

# 10 Schwizer Banke 2023

© Gusti Pollak März 2023

*I ha öppis gläse, wo mi sehr irritiert: Wüset Dühr, was UBS heisst?  
Ja, United Bank of Switzerland hätt s sölle heisse, u ersch hingedrii hei  
si usegfunde, dass es e «United Bank» scho gitt uf dere Wält.  
Nume isch da «UBS» scho lanciert gsi, hei si halt dr Name bhalte,  
u ds knallige Logo. Aber hinder däne 3 Buechschtabe isch: Nüüt.  
O ke Abchürzig. Also eifach: Ups! Und läär. Chunnt mir vor wi ne  
Läärverchouf a dr Aktie-Börse.*

10 Schwizer Bank-Inschtitut, die gschäfte schtolz und küehn  
Eis drvo isch z küehn gsi, da si s no 9

9 Schwizer Banke, die hei fasch alles gmacht  
Eini hett no anders gmacht, da si s no 8

8 Schwizer Banke hei s witter mächtig tribe  
Eini, die hett über-tribe, da si s no 7

7 Schwizer Bänkeli, di hei chli fusioniert  
Us sächsne hett s 3 Päärli ggäh, plus 1, das macht no 4 –  
fidirallalla...

4 fetti Schwizer Banke, die gschpüre sech, schtarch und frei  
Us de USA tönt s: «Mir si so frei!» – da si s no drei

Drei grossi Schwizer Banke si schlächt mit'nand us-cho  
Di gröshti hett di chliinshti gfrässe, da si s no zwo

Zwo Schwizer Mammutbanke beherrsche n üse Schtaat  
Die einti, die heisst «Bank Schweiz», di anderer – gitt s nümme

*U no öppis, wo mi irritiert: «Boni» heisst uf latinisch «Die Guten».*